



CVR-nr. 25033434

Kaaallit Nunaata Radioa - KNR | Imarisai

# Imarisai

Suliffeqarfik pillugu paasissutissat	1
Aqutsisut uppersaanerat	2
Kukkunersuisut kiffaangissuseqartup uppersaanerat	3
Aqutsisut nalunaarutaat	6
2020-mi angusat naatsorsorneqarnerat	13
Ulloq 31.12.2020 oqimaaqatigiissitsineq	14
Ilanngussat	15
Naatsorsuuserinermi periuseq atorneqartoq	17

## Suliffeqarfik pillugu paasissutissat

### Suliffeqarfik

Kalaallit Nunaata Radioa - KNR

Issortarfimmut 1

3900 Nuuk

CVR-nr.: 25033434

Kommuni Angerlarsimaffigisaq: Kommuneqarfik Sermersooq

Ukioq naatsorsuuseriffiusoq: 01.01.2020 - 31.12.2020

### Aqutsisut Siulersuisut

Sofie Sandgreen, siulittaasoq

Frits Overballe

Hans Peter Bay

Jørgen Chemnitz

Ivínquak' Stork Høegh

### Qullersaqarfik

Karl-Henrik Simonsen

### Kukkunersuisut

Deloitte Statsautoriseret Revisionspartnerselskab

Imaneq 33, 6-7. etage

3900 Nuuk

# Aqutsisut uppernarsaanerat

Kalaallit Nunaata Radioata ukiumoortumik nalunaarutaa ukiumut naatsorsuuseriffiusumut 01.01.2020 - 31.12.2020 atuuttoq ullumi ulloq qullersaqarfimmit suliarineqarpoq akuersissutigineqarlunilu.

Ukiumoortumik nalunaarut saqqummiunneqarpoq Kalaallit Nunaanni Namminersorlutik Oqartussani missingersuusiorneq, naatsorsuuserineq aamma naatsorsuutininik saqqummiussineq pillugu inatsisit qaqugukkulluunniit atuuttut naapertorlugit, naatsorsuuserinermik periuseq atorineqartoq pillugu allaaserisaq innersuussutigalugu.

Uagut paasinnittaaserput naapertorlugu ukiumoortumik naatsorsuutit suliffeqarfiup pigisaanik aamma akiitsuinik, aningaasaqarnikkut inissisimaneranik kiisalu angusaanik eqqortunik takutitsivoq.

Tamatuma saniatigut uagut paasinnittaaserput naapertorlugu aqutsisut nalunaarutaat pissutsinik nalunaarummi eqqartorneqartunik eqqortumik takutitsivoq.

Ukiumoortumik nalunaarut Naalakkersuisunit akuerineqartussanngorlugu innersuussutigaarput.

Nuuk , ulloq 15.04.2021

## Qullersaqarfik

**Karl-Henrik Simonsen**

## Siulersuisut

**Sofie Sandgreen**  
siulittaasoq

**Frits Overballe**

**Hans Peter Bay**

**Jørgen Chemnitz**

**Ivínquak' Stork Høegh**

# Kukkunersiuisup kiffaanngissuseqartup uppernarsaani

**Kalaallit Nunaata Radioani – KNR - ilaasortanut**

## **Inerniliussaq**

Kalaallit Nunaata Radioata – KNR, ukiumoortumik naatsorsuutai ukiumut naatsorsuuseriffiusumut 01.01.2020 - 31.12.2020 atuuttut kukkunersiorpavut, taakkua imaraat angusat nalunaarsorneqarnerat, oqimaaqatigiissitsineq, nammineq aningaasaatit naatsorsorneqarnerat aamma ilanngussat, taakkununga ilanngullugit naatsorsuuserinermit periupeq atorneqartoq. Ukiumoortumik naatsorsuutit suliarineqartarput Namminersorlutik Oqartussanut aalajangersakkat atuuttut naapertorlugit, naatsorsuuserinermit periupeq atorneqartoq pillugu allaaserisaq innersuussutugalugu.

Uagut paasinnitaaserput naapertorlugu ulloq 31.12.2020 ukiumoortumik naatsorsuutit suliffeqarfiup pigisaanik akiitsuinik aamma aningaasaqarnikkut inissisimaneranik eqqortunik takutitsipput, kiisalu suliffeqarfiup ukiumi naatsorsuuseriffiusumi 01.01.2020 - 31.12.2020 ingerlatsinermit angusai Namminersorlutik Oqartussanut missingersuusiortarneq, naatsorsuuserineq aamma naatsorsuutininik saqqummiussineq pillugu inatsisit qaqugukkulluunniit atuuttut naapertorlugit suliarineqarput.

## **Inerniliussamat tunngavilersuutit**

Kukkunersiueq ingerlapparput kukkunersiueq pillugu nunani tamalaani periuqarfiup aamma piumasaqaatit allat taamaallaat Kalaallit Nunaanni atuuttut naapertorlugit. Uagut periutsinik piumasaqaatinillu taakkununga malinninnissatsinnut akisussaaffik kukkunersiuisut uppernarsaani immikkoortumi "Kukkunersiuisut ukiumoortumik naatsorsuutininik kukkunersiuermit akisussaaffiat" allaaserineqarpoq. Nunani tamalaani kukkunersiuisut ileqqorissaarnissaannut malittarisassat naapertorlugit (IESBA-p ileqqorissaarnissamat malittarisassai) aamma piumasaqaatit Kalaallit Nunaanni atuuttut naapertorlugit uagut suliffeqarfimmuut tunngatillugu kiffaanngissuseqarpuq, soorlu malittarisassanut piumasaqaatinillu tunngatillugu ileqqorissaarnissamat pisussaaffiit allat naammassigivut. Uagut paasinnitaaserput naapertorlugu, kukkunersiuisut uppernarsaatissaq naammappoq aamma uagut inerniliussatsinnut tunngavissatut naleqqulluni.

## **Kukkunersiuinermit atasunik pissutsinik erseqqissaaneq**

Namminersorlutik Oqartussanut periuqarfiup naapertorlugu suliffeqarfiup angusanik nalunaarsuinermini aamma ilanngussani missingersuutit kisitsisai kisitsisit assersuutissat ilannguppai. Missingersuutini kisitsisit kukkunersiuinermit ingerlatsiffiqarpoq.

## **Aqutsisut ukiumoortumik nalunaarummut akisussaaffiat**

Aqutsisut akisussaaffigaat ukiumoortumik naatsorsuutininik suliaqassallutik Namminersorlutik Oqartussanut missingersuusiortarneq, naatsorsuuserineq aamma naatsorsuutininik saqqummiussineq pillugu inatsisit qaqugukkulluunniit atuuttut naapertorlugit. Taamatuttaaq aqutsisut akisussaaffigaat, suliffeqarfiup iluani nakkutilliinermit ingerlatsissallutik, ukiumoortumik naatsorsuutit kukkunernik malunnaatilinnik paasissutissiinninnissaat anguniarlugu suliaqarnermi pisariaqartinneqartutut nalilerneqartunik – kukkunerit taamaattut unneqqaserlunnikkut kukkunikkulluunniit pisimagaluarpata paasineqarsinnaaqullugit.

Ukiumoortumik naatsorsuutininik suliaqarnermi aqutsisut akisussaaffigaat, suliffeqarfiup ingerlaannarnissaanut pisinnaasanik naliliissallutik, ingerlatsiinnarnissamat pissutsinik paasissutissiissallutik, tamassuma pisariaqarfiatigut, kiisalu ingerlatsiinnarnissaq siunertarlugu naatsorsuuserinermit periupeq naapertorlugu ukiumoortumik naatsorsuutininik suliaqassallutik, aqutsisut suliffeqarfiup taamaatinneqarnissaannik, ingerlatsinermit unitsitsinissamik imaluunniit unitsitsinissamik siunertap saniatigut allatut iliorsinnaanermik aalajangiussaqaarsimanngippata.

## **Kukkunersuiusup ukiumoortumik naatsorsuutinin kukkunersuinerminni akisussaaffiat**

Uagut anguniagaraarput isumannaallisaanermik qaffasissumik pilersitsissalluta, ukiumoortumik naatsorsuutit tamakkiisut kukkusumik paasissutissiinninnissaat pillugu, taamaattoq peqquserlunnikkut kukkunikkulluunniit pisimagaluarpat, aamma kukkunersuiusutut uppersaammik inerniliussamik imalimmik tunniussissalluta. Isumannaallisaaneq qaffasissuq tassaavoq isumannaallissaaneq pitsaalluinnartoq, taannali qularnaveeqqutaanngilaq kukkunersuinermut nunani tamalaani periutsit aamma Kalaallit Nunaannut piumasaqaatit immikkut atuuttut naapertorlugit, kukkunersuinerup ingerlanneqartup tamatigut kukkunernik malunnaatilinnik qulaarsinissaanut, taamaattut piusimassappata. Kukkunerit malunnaatillit peqquserluttoqarnera imaluunniit kukkusoqarnera tunngavigalugit pisinnaapput, aamma malunnaatillit isigineqarsinnaapput tupigusuutissaanngitsumik naatsorsuutiginneqarsinnaappata, ataasiakkarlutik imaluunniit ataatsimoorlutik aningaasaqarneq pillugu aalajangiussanut sunniuteqarpat, naatsorsuutinin atuusit ukiumoortumik naatsorsuutit tunngavigalugit aalajangiarmatigik.

Kukkunersuinermut atatillugu, kukkunersuinermi nunani tamalaani periutsit atorneqartut aamma Kalaallit Nunaannut piumasaqaatit immikkut atuuttut naapertorlugit ingerlanneqartumi, uagut kukkunersuinerup nalaani suliaasaqarfitsinnut tunngatillugu naliliinernik ingerlatsissaagut aamma uagut suliaasaqarfitsinnik ingerlatsinitsinni qularneq atugarissavarput. Taakkununga ilanngullugit:

- Uagut kukkunersuiusutut iliuuserisassagut ilusilerumallugit nammineq nakkutilliinermik kukkunersuinermut pingaaruteqartumik paasinnissaagut, taakkua pissutsinut naleqquttuussapput kisianni peqatigiiffiup nammineq nakkutilliinerata pitsaassusianut naliliinertut paasineqassanngilaq.
- Isummerfigissavarput, naatsorsuuserinermik periuseq aqutsisunit atorneqartoq naleqquttuunersoq, kiisalu naatsorsuuserinermi naliliinertut aamma paasissutissat taakkununga tunngasut aqutsisunit suliarineqarsimasut tulluurtuunersut.
- Inerniliissaagutta, ingerlatsiinnarnissaq siunertaralugu naatsorsuuserinermi periuseq atorlugu aqutsisut ukiumoortumik naatsorsuutit suliaat naleqquttuusut, kiisalu kukkunersuiusutut uppersaattissatut pissarsiarineqartoq tunngavigalugu, pisut imaluunniit pissutsit annertuumik qulalersitsisinaanersut, suliffeqarfiup ingerlatsinerata nanginneqarsinnaaneranut. Inerniliigutta annertuumik qularnartoqartoq, uagut kukkunersuiusutut uppersaanitsinni tamanna malugeqqussavarput ukiumoortumik naatsorsuutini paasissutissiinnikkut imaluunniit, paasissutissat taakkua naammaginangippata uagut inerniliussarput allanngortissavarput. Uagut inerniliussarput kukkunersuiusutut uppersaanermik tunngaveqarpoq, taanna uagut kukkunersuiusutut uppersaanitta ullua tikillugu atuuppoq. Taamaattoq siunissami pisut imaluunniit pissutsit nassataannik, ima kinguneqartitsisinnaapput suliffeqarfik ingerlatsinerminik nangitsisinnaannginneranik.
- Ukiumoortumik naatsorsuutinin saqqummiussineq tamakkiisooq, ilusilerneqarnera aamma imarisai naliliiffigissavagut, taakkununga ilanngullugit ilanngussatut paasissutissat, kiisalu ukiumoortumik naatsorsuutini aningaasanik nuussinerit aamma pissutsit ima iluseqartumik saqqummiunneqartut - pisutsinik eqqortunik saqqummiussisutut nalilerneqarsinnaasut.

Aqutsisut qullersaasut attaveqarfigisassavagut ilaatigut kukkunersuinerup pilersaarutiginneqartup annertussusia aamma qaqugukkat pinissaanut tunngatillugu, kiisalu kukkunersuiusutut isiginiakkat pingaarutillit pillugit, tassunga ilanngullugit uagut kukkunersuinerminni nammineq nakkutilliinermi amigaataasinnaasut malunnaatillit paasisavut pillugit.

## **Aqutsisut nalunaarutaat pillugu oqaaseqaat**

Aqutsisut nalunaarutaannut aqutsisut akisussaasuupput.

Ukiumoortumik naatsorsuutit pillugit uagut inerniliussarput aqutsisut nalunaarutaannut tunngassuteqanngilaq, aamma aqutsisut nalunaarutaata isumannassusianut qanorluunniit ittumik saqqummiussinngilagut.

Ukiumoortumik naatsorsuutit kukkummiussinngilagut, tassungalu atasumik uagut akisussaaffigaarput aqutsisut nalunaarutaat atuassallugu, tassungalu atasumik eqqarsaatersuutigissallugu aqutsisut nalunaarutaat ukiumoortumik naatsorsuutit pingaarutilitsigut immiut ataqatigiissuseqarnersooq imaluunniit uagut kukkummiussinngilagut ilisimalikkatsinnut allatulluunniit kukkusumik paasisutissiinermik imaqaarnersooq.

Taakkua saniatigut uagut akisussaaffigaarput eqqarsaatersuutigissallugu aqutsisut nalunaarutaat Namminersorlutik Oqartussat naatsorsuutit malittarisassaata naapertorlugit piumasaqaataasunik imaqaarnersooq.

Suliamik ingerlatsineq tunngavigalugu uagut paasinnittaaserput naapertorlugit aqutsisut nalunaarutaat ukiumoortumik naatsorsuutit naapertuuppoq aamma Namminersorlutik Oqartussat naatsorsuutit malittarisassai naapertorlugit suliarineqarsimavoq. Aqutsisut nalunaarutaanni kukkunernik pingaarutilinnik naammattuugaqanngilagut.

Nuuk, ulloq 15.04.2021

### **Deloitte**

Statsautoriseret Revisionspartnerselskab  
CVR-nr. 33963556

### **Bo Colbe Nielsen**

Statsautoriseret revisor  
MNE-nr. mne24634

# Aqutsisut nalunaarutaat

## Suliaq pingaarneq

Kalaallit Nunaata Radioa KNR, tassaavoq suliffeqarfik namminersortoq pisortanit pigineqartoq 1958-imi tunngavilerneqarsimasoq, radiokkut tv-kkullu aallakaatitassianik nutaarsiassanik, qaammarsaanermik, aliikkusersuinernik eqqumiitsulianillu imalinnik nassiussuissalluni pisussaaffilerneqarsimasoq. KNR, Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq, Radiumi tv-milu pilerisaarutit aallakaatitassanillu aningaasalersuisarnerit pillugit Namminersornerullutik Oqartussat nalunaarutaat nr. 8, 5. juli 2006-imeersoq aamma minnerunngitsumik Innuttaasunik Kiffartuussinermik isumaqatigiissut 2019-2022 naapertorlugit ingerlatsissaaq.

## Siulersuisut aamma atuisut siunnersuisoqatigiivi

2020-mi siulersuisut sisamariarlutik ataatsimiipput aamma ataasiarlutik immikkut ittumik ataatsimiipput. Atuisut siunnersuisoqatigiivi marloriarlutik oqarasuaatikkut ataatsimiipput, inatsisinut naapertorlugit ukiumut ataasiarlutik najuullutik ataatsimiittussaagaluarput kisianni Covid-19-imik nappaalanersuaq pissutigalugu tamanna kinguartinneqarpoq.

## Suliat ineriartornerat

Ukiup 2020-p ingerlanerani immikkoortortani assigiinngitsuni suliat tulluuttut ingerlanneqarsimapput:

### Radio aamma Meeqqat inuusuttullu

Aallakaatitassiat aqqissuussat sivilunerusut aamma aallakaatitassiat avataanit suliarineqarsimasut pitsaassusiat qaffassarniarlugit immikkoortortaqaarfimmi tusagassiortutut atorfik aqqissuisutut atorfirmut allanngortinneqarpoq – taamaallilluni immikkoortortaqaq maanna marlunnik aqqissuisoqalerpoq. Aqqissuisut marluk maanna aallakaatitassiat aqqissuussat sivilunerusut aamma toqqaannartumik aallakaatitsinerit akisussaaffigilerpaat.

Covid-19-ip ilungersunartorsiorfitsineranit kingunerluutit immikkoortortamut aamma malunniupput. Tusagassiortut suliaannut tunngasumik pikkorissartitsineq sapaatip-akunnerisa 33-anni pilerisaarutaasoq Covid-19 pissutigalugu killilersuinerit tunngavigalugit kinguartinneqarpoq. Sineriammut angalanissatut pilerisaarutaasunit sisamaasunit angalaneq ataasiinnaq ingerlanneqarpoq.

Immikkoortortaqaq Covid-19 pillugu paasissutissanik aqqissuussanik, oqarasuaatit atorlugit tusarnaartartut apeqquteqaataannik aallakaatitsinerinik, tusagassianik naatsunik aamma sammisanik aalajangersimasunut tunngasut aallakaatitsiffinni assigiinngitsuni ilanngussaqaqartarpoq. Ulupalungaarsimanermut atasumik tusagassiivinnik katersortitsinerit tv peqatigalugu ataatsikkut aallakaatinneqartarput.

Nipilersortartut tapersorsorniarlugit KNR Radio piffissamit marsip 25-annit apriliip 28-anut nipilersukkanik kalaallisuunik taamaallaat atugaqarpoq.

KNR Radio 2020-p ingerlanerani tusagassiortunik ilinniarsimasunik atorfinitsitsiniarnermik ajornartorsiuteqarsimavoq.

Ukiup ingerlanerani radiomut aamma Meeqqanut inuusuttunullu aqqissuisoqarfimmi sulisut tusagassiortutut ilinniagaqarsimannngitsut arfineq-marluk atorfinitsinneqarput. Suliarisamut piginnaasassat qulakkearniarlugit radiomi aallakaatitsisartussat soqutiginnittut pikkorissullu suliassamut tunngasunik naleqqussarneqarput, ilinniartinneqarlutik sivilunerusumillu ineriartortinneqarnerannik ingerlatsiffigineqarput. Misilittakkat naapertorlugit tusagassiortunik ilinniarsimasunik amigaateqarneq sulisunut inissiat amigaataanerannik, nunatsinni tusagassiortunik sulisussarsiorluni nittarsaassinerit amerlassusiannut, ukiumut tusagassiortutut naammassisartut amerlasannnginnerannik kiisalu akissarsiaqarnermut tunngassuteqarput.

Atorfinnut inuttaqanngitsunut KNR sulisunut inissiamik 2020-mi maajimili suli tunineqaqqinngilaq.

Tusagassiortunik ilinniarsimasunik sulisussarsiornermi unammilligassaqaraluarluni ukiup ingerlanerani suliassatut anguniagassat kiffartuussinissamik isumaqatigiisummi allassimasut nalunaaqquttap akunnernik arlalinnik sinnerlugit radio suliaqarsinnaasimavoq.

### **Nutaarsiassat**

Coronavirusi 2020-mi sammisat ilisarnaatigaat. Nutaarsiassaqaqtitsivik tamarmi aamma KNR-ip ilarujussua 2020-mi piffissani siviluunni upalungaarsimanertut assingusumik inissisimapput.

Upalungaarsimanissamat tunngasumik tusagassiivinnik katersortitsinerit kisimik aallakaatinneqartussaangillat aammali ullut tamaasa paasissutissiinerit ingerlanneqartussaapput. Nunarsuaq tamakkerlugu nappaalanersuup kingunipilui aamma nappaalanersuup nunatsinni innuttaasunut, inuussutissarsiornermut, kultureqarnermut aamma aningaasaqarnermut il.il sunniutigisinnaasai malittarineqartussaapput, misissorneqarlutik aamma qulaarneqarlutik.

Suliassaq annertoorujussuusimavoq KNR-illu nukissai killeqareersut tassunga atorneqartariaqarsimapput. Innuttaasut paasissutissanik, aalajangiinernik aamma kinguniusinnaasunik tamanik erseqqisumik aamma piffissaq eqqorlugu nassuiaanneqarput – apeqqutiniq qulaarsinnaasunik isornartorsiorpaluttunillu saqqummiussisoqartarluni. Taamaaliornikkut KNR pisussaaffimminik naammassinnippoq aamma taamaattumik nunatsinni innuttaasut Covid-19 pillugu qaamarsaavigineqarnerannik aamma paasissutissinneqarnerannik pingaarutilittut inissisimavoq, taamaattumillu Kalaallit Nunaanni tunillatsissimasut kisitsisitali eqqarsaatigalugit ajornartorneq ajunnginnerusumik aqusaarneqarsinnaalluni.

Ukiup ingerlanerani soorunami nutaarsiassanik assigiingitsorpassuarnik allanik peqarpoq – nutaarsiassat tamakkua suliassaqaqfinnut allapparujussuarnut tunngasut nakkutigineqarput, allaaserineqarlutik paasineqarlutillu.

Qanoroq, Radioaviisi aamma knr.gl. tusagassiornermik pitsaasumik, uummaarissumik, eqeersimaartumik taakkualu akornanniittunik aallakaatitsivinni tamani ukioq naallugu tunniussaqaqarput. Nutaarsiassaqaqtitsivik nalinginnaasumik anguniagassaminik naammassinnippoq aamma aallakaatitassiornermi piimasaqaatit tamarmik naammattumik naammassineqarput.

### **TV/Teknikki**

#### **TV-kkut aallakaatitassiornermik immikkoortortaq**

Ineriartorneq, anguniagaqarluni pitsanngorsaaneq aamma nutaaliorneq TV-kkut aallakaatitassiornermik immikkoortortami ilisarnaataapput. Naak Covid-19 atuukkualuortoq ineriartorsinnaasimavugut aamma aallakaatitassiat imarisassaannik nutaaliorsinnaasimavugut, isiginnaartartuvut qaninnerulerlugit saniatigut 2020-mi pisarnermit annerusumik sineriarsinnaasimalluta.

KNR-TV-mit januaarip aallartinnerani aalajangerneqarpoq tusagassiortumik timersornermik suliaqartussamik perngaamik atorfinitsitsisoqassasoq, taanna aallakaatitsiviit aamma immikkoortortat tamaasa akimorlugit suliamik ingerlatsissaaq. Tamanna isumaqarpoq maannakkut KNR-imi sulisoqalersoq timersornermik immikkut ilisimasalimmik aamma timersornermik ingerlatsisutut nalunaarsorsimasunut 25.000-ini amerlanerusunut nalinginnaasumillu peqqissuunissamik siunertaqarlutik sammisalinnut 100 %-imik aallussisinnaasumik. Taamaattoq kiffartuussinissamat isumaqatigiisummi sammisassatut isumaqatigiissitit kisitsisaat KNR-imit naammassineqarsinnaasimangillat covid-19 pissutigalugu killilersuinerit aamma 2020-mi timersornermik sammisat suullunniit tamarmik unitsinneqarnerat tunngavialugit. Unammersuarnerit pilersaarutaasimasut tamarmik taamaatiinnarneqarput aamma taamaattumik nalunaaqquttap akunnerini 170-ini aallakaatitsinissatut pilersaarutaagaluagut unitsiinnartariaqarsimavugut. Taamaattoq sapinngisamik nunanit allanit timersornermik aallakaatitanik pisiniarsarisimavugut, kisianni tassani aamma annertuunik unammilligassaqaarluta, ilaatigut timersornermit pisunit angisuunit aallakaatitsisinnaasarsimangilagut, pissartanngorniunnerit aalajangersimasut soorlu kalaallinit peqataaffigineqartut tv-ikkut aallakaatitsisinnaanerannut pisinnaatitsissutit amigaataanerit pissutigalugit.



KNR-TV nukissanik, pitsaassutsimik aamma pitsanngorsaanerup naleqqussarneranik ingerlatsivoq taamaaliornikkut isiginnaartut pissarsiasaqarneruleqqullugit. KNR-TV-mi kultureqarnermut immikkoortortaq maanna tusagassiortunik pikkorissunik 3 1/3, kulturilerinermik nalinginnaasumik ukkatarinnittunik sulisoqarpoq.

Ulloq apriliip 16-iat 2020 aallakaatitassiaq Illeq siullermeerluni KNR-imit toqqaannartumik aallakkatinneqarpoq. Illeq marlungornerit aamma sisamangornerit tamaasa sammisamik aalajangersimasumik tunngaveqarluni aallakaatinneqartarpoq. Nalunaaqquttap akunnerata ataatsip iluani Kalaallit Nunaanni najukkani assigiinngitsuni pisut alapernaaserfiginerat, sineriammit ilanngussat aallakaatitsivimmilu pulaartut porsarsimassutsikkut inuiaqatigiinnilu misigisimasaminnik avitseqatiginnittaput. Pilersaarutaavoq aningaasat atugassarititaasut aallaavigalugit Illeq sineriammut angalasassasoq, aamma Illeq Qassiarsummit Narsarsuarmiillu toqqaannartumik aallakaatitsereernikuuvoq.

KNR-TV-mi aliikkutassiaq Qangattaq toqqaannartumik Narsamit, Tasiilamit, Sisimiunit aamma Ilulissanit aallakaatitsinikuuvoq. Qangattap siunertaraa aliikkusersuissalluni, annermik ataqatigiilersitsissalluni aamma piffissami matumani covid-19-ip atugaanerani inuit imminnut qaninnerannik misigissutsimik pilersitsissalluni taakkua saniatigut illoqarfiit aallakaatitsivigisavut pillugit ilisimasaqarnerulernissaq anguniagaapput.

Tallimangornerni aliikkutassiaq Appiguk 2020-mi aallakaatitassiarineqarpoq sulisut sapaatip-akunneranut toqqaannartumik aallakaatitsinernut pituttorsimaannartikkumanagit aamma teknikkikkut piginnaasanik atorluaaniarluni. KNR-TV-mit upernaakkut 2019 aallakaatitassiat katillugit 15-it siumoortumik suliarineqarput taakkua upernaakkut 2020 aallakaatinneqartut. 2020-p ingerlanerani aallakaatitassiat tulliuttut 30-t suliarineqarput 2020-mi ukiap ingerlanerani assut iluaqutigineqartunik soorluttaaq 2021-mi ukiup affaani siullermi aliikkutarilluarneqartussanik.

Sineriammit aallakaatitassiat pitsaassusiat qaffassarumallugit KNR siunertamut aqqissuisoqarnermi nukissanik illuartitsivoq, taamaalilluni avataanit aallakaatitassiorartut Uummannamit, Aasiaat, Sisimiut, Maniitsoq, Qaqortoq aamma Nuummmit suleqatigiinnermik pitsanngorsaapput aamma aallakaatitassiamik pitsaassusiannik pitsanngorsaaneramik sulisuliaqarlutik.

Teknikkimi sulisinnaasut nukissat killeqarnerat pissutigalugu Covip-19-imut upalungaarsimanermit tunngasunik aallakaatitassiat amerlaqisut, teknikkimut aamma aallakaatitassiat pilersaarusiorneqarnerannut unammilligassaqartitsisimapput. Upalungaarsimanermit tunngasunik aallakaatitassiat pingaarnersatut inissisimasimapput aamma tamatuma kinguneranik aallakaatitsiviit allat unikaallassimaartarput imaluunniit aallakaatitassatut pilersaarutaareersunik aallakaatitassiorneq kinguartinneqartariaqartarluni.

### **Toqqorsivik**

KNR-ip toqqorsivia pingasunik sulisulik, 2020-p ingerlanerani radiomi tusagassianik suliaqarfimmit pisoqaasumit tusagassianik suliaqarfimmik nutaamik Next Edition atugaqalerput, atortut digitalisereerneqarsimasut tamaasa nuuppaat nalunaarsorlugillu. Taakkua saniatigut radiokkut aallakaatitap nalunaaqquttap akunneri 600-t aamma video analog båndit nalunaaqquttap akunneri 800-t toqqorsivimmit aallakaatitassiorfimmu digitaliusumut nuunneqarput, taamaaliornikkut qularnaarneqarpoq atortut siunissami atorneqarsinnaallutik piginnarneqarsinnaanerat.

2020-p ingerlanerani KNR-ip radiomit tv-miillu båndit pisoqqat toqqortaatineqartut digitalisererneqarnerannik ingerlatsivoq, aamma taamaattumik suliniummut immikkut aningaasaliissutissat Naalakkersuisunut qinnutigaavut. Decemberimi 2020 Naalakkersuisut siunertamut 1.160.000 mio.kr.-inik aningaasaliissuteqarput, taamaaliornikkut KNR-imit toqqorsivimmiittuutunik pigisanik pisoqqanik analogiusunik digitaliseriinnermik ukkassisinnermik nangitsissaaq. Taakkua saniatigut aningaasaateqarfimmu aningaasanik qinnuteqarpugut digitaliseeriinerup tamarmiusup naammassilluni suliarineqarsinnaanera qulakkeerniarlugu, tamannali pillugu akissutisiassarput sulisuliaqarput. Saniatigut Nunatta Toqqorsivia, Grønlandica aamma Nunatta Katersugaasivia suleqatigiinnissamik isumaqatigiissuteqarfigineqarput ungasinnerusoq eqqarsaatigalugu qulakkeerneqarqullugu, digitalimik toqqortikkat tamarmik innuttaasunit pissarsiarineqarsinnaalernissaat.

### **Teknikki aamma IT**

KNR-radiomi aallakaatitassiornermut aamma nutaarsiasaqartitsinermut immikkoortortaqarfiit 2020-mi aallakaatitassiornermi aamma aallakaatitsinermi ataatsimoorussatut aqqissuussanut Next Edition-imut nuupput. KNR-

ip oqaluttuarisaanerani aatsaat perngaamik sulisunut tamanut periarfissaalerpoq aallakaatitassiornermi aqutsissutinik tamanik atuisinnaaneq, aamma aallakaatitsivinni tamani suliat avitseqatigiissutigineqarsinnaalerput atorneqarsinnaallutillu. Aaqqissuussaq nutaatut atulikkap immikkuullarissortaa, sulisut aaqqissuussamik ineriartortitsineri namminneq suleriaatsitik tunngavigalugit peqataasimanerat, ilanngullugu siunissamut kissaataasinnaasut ilanngunneqarsimapput. Aallakaatitassiornermi aqutsissutinik/programminik suliffeqarferujussuarnut soorlu BBC-mut imaluunniit DR-imut naleqqussakkanik atugaqartussaaneq pingitsaaliissutaanikuuvoq. Europami aallakaatitsineri suliallit angisoorsuit KNR-ip ineriartortitsineranut malinnaapput assullu soqutiginnillutik. Ullumikkut aaqqissuussat assingusut Danmarkimi, Sverige, Schweiz atorneqarput. KNR aamma tunisassiamik nioqquteqartoq Next Edition aaqqissuussamik nutaaliaalluinnartumik ineriartortitsippat ilanngussaqlutillu aamma taamaattumik KNR siunissamut piareersimavoq.

KNR illup avataani aallakaatitsissumik (OB-vogn) aamma tv-imut aallakaatitassiorluni immiussissutit silaannakkoortartunik "fly away" marlunnut aningaasaliissuteqarput. Taamaattumik nipitoojussuarnik aamma pitsassuarnik assitalinnik aallakaatitassiorsinnaalerpugut. Ukiumi 2020-mi KNR 1 kiisami HD-mik (high definition) aallakaatitanik nassiussuisinnaalerpoq, assit pitsaassusiat malunnaatilimmik pitsanngoriaateqarnerannik nassataqartumik, KNR-ip nammineq iluani 2017-imiilli HD atugaalerpoq. Kalaallit Nunaanni aallakaatitassianik nassiussuivik Tele Greenland A/S-imit 2020-mi pitsanngorsarneqarpoq, tamatuma nassataanik KNR HD-imik aallakaatitsissutinik peqareersoq HD-mik pitsaassusilinnik immiussanik aallakaatitsisinnaanngorpoq. Soorunami nuannaarutigeqarput, soorluttaaq sineriammi isiginnaartartutsinnit pitsanngoriaatit pitsaasumik qisuariarfigineqartut amerlasuunit tusartinneqarput.

IT-mik suliasaqarfiup iluani ukioq isumannaallisaanermut eqaallisaanermullu atorneqarpoq. Aallakaatitassiornermi aqutsissut nutaaq ukiunilu qaangiuttuni IT-mik ineriartortitsinerup pitsanngorsaanerullu ataatsimut akuleriissinnerisa nassataanik, sulisut nunarsuarmi sumiikkaluarunilluunniit suliaminnik ingerlatsisinnaapput, aamma sumingaanilluunniit aqutsisinnaapput aallakaatitsillutillu. IT-mik atortorissaarut nutaaq pitsassuuvoq aamma aallakaatitsivinni tamaginni ingerlatsineq 24/7 ukkatarineqarpoq.

### **Sulisoqarneq**

Covid-19 2020-mi suliffeqarfimmut annertuumik sunniuteqarpoq aamma Sulisoqarnermut Immikkoortorta qillilersuutit malittarisassallu pillugit oqartussaaffeqarfinnut assigiinngitsunut attaveqarnermik isumaginnippoq. Covid-19 aamma ima isumaqarsimavoq KNR piffissat ilaanni pulaartunit, imitsittartunit iserfineqarsinnaanngikkallaruni sulisut ilaat angerlarsimaffimminnit sulillutik. Danmarkimit nutaatut atorfinitsitinerit marluk sapaatip-akunnerini 2 aamma 4 kinguaattoorput nunatta matusaanera tassunga atasumik nunatsinnut nunatsinniillu timmisartuussinerit matoqqanerit pissutigalugit. KNR nunatsinni upalungaarsimanerimi sillimaniarneq pissutigalugu immikkut atuuffeqarnera pissutigalugu, sulisut aalajaatsut aqutsisunit takuneqarput suliasaminnut tunniusimalluinnartut aamma aaqqissuisoqarfiit amerlanerit tunniussaqsinnaasimapput naak angerlarsimaffinnit suleriaatsit allaanerit ingerlassimagaluarlugit. Sulisunut tamanut QJANARUJUSSUAQ.

Sulisoqarnermut Immikkoortortamit suliffeqarfimmik pitsaasumik pilersitsinissaq pingaartinneqaqaaq, sulisut naammagisimaarinninnerannik ukiumoortumik misissuineq aallaavigineqarpoq. Ukiumoortumik misissuisarnerup kinguneranik ingerlatsivik sunut pitsaanerpaamik ingerlanngitsunut akuliussinnaavoq aaqqiissuteqarlunilu. Taamaattumik immikkoortortat tamarmik iliuusissatut pilersaaruteqarput suliffimmik nuannarisagarneq pitsanngorsarsinnaajumallugu qaffassarsinnaajumallugulu. Tunngaviatigut aqutsineri naleqartitanik najoqqutaqarneq ingerlanneqarpoq aamma suut tamaasa atorlugit ingerlatsiviup naleqartitai aallaaviginiartarpavut. Suliffimmik nuannarisagarneq qaffakkartorsimavoq aamma napparsimalluni sulinngitsoortarnerit ikiliartorput taamaattumillu suliffeqarfimmik pitsaasumik sulisunillu tigumminniinnarnermut pilersitseqataalluni.

Ukiut siuliinisulli sulisut aqutsisullu akornanni suliamut inuttullu tunngasumik piginnaasanik ineriartortitsinerit ingerlanneqarput. Suliniutit nutaat ilaat tassaavoq aaqqissuisoqarfiit akimorlugit sulisut suleqatigiinnermut piginnaasaannik ineriartortitsineq. Oqaatsit suli annertuumik sammineqarput. Oqaasileriffimmi oqaatsinut siunnersorti peqatigalugu KNR iliuusissatut pilersaarummik suliaqarpoq, sulisut oqaatsitigut piginnaasaannik ineriartortitsineq siunertaralugu, aamma suliniummik siviuserusumik ingerlasussamik aallartitsippat kalaallisut allattariarsorneq oqaluttariarsornerlu ukkatarinerullugit. KNR-imut unammilligassaavoq qinnuteqartartut amerlanerit meeqqat

atuarfiannit imaluunniit angerlarsimaffimminnit kalaallisut oqaatsigut piginnaasanik pisariaqartunik peqartannginnerat. Kinguaariinni inuusunnerusut ilarparujussui suliffeqarfinnut appakkaatillutik naammattumik piginnaasaqanngikkaangata nunamut unammilligassanik angisuunik nassataqartarpoq, pingaartumik politikikkut aamma innuttaasut tungaannit kalaallit oqaasiisa atornerqarnerat annertuumik pingaartinneqartillugit.

KNR-imit Sulisoqarnermut Immikkoortortami aqutsissut nutaaq Mindkey aningaasaliiffiqineqarpoq, suliffeqarfimmi piginnaasaat suunerat pitsaanerusemik aqussinnaajumallugit. Aaqqissuussaq elektroniskiusoq nunatsinni kommunini tamani aamma suliffeqarfimmi anginerni amerlasuuni atornerqartoq. Nalinginnaasumik allaffissornermik ingerlatsinermit suliassat aamma suleriaatsit KNR-imut oqinnerujussuanngorput tassunga ilanngullugit sulisussarsiornerit kiisalu sulisoqarneq pillugu ingerlatsineq nalinginnaasoq.

Ulloq maajip 11.-t pisortat aamma TP (Tusagassiortut peqatigiiffiat) sulinermit atugassarititaasut pillugit isumaqatigiinniarnernik aallartitsipput. Isumaqatigiinniarnernit sapaatip-akunneranik ataatsimik sivisussuseqartussatut pilersaarutaasut aatsaat sapaatip-akunneri sisamat qaangiummata naammassineqarput. Akissarsiat tamakkiisut ukiut sisamat iluanni 3,51%-imik qaffanneqarnissaat isumaqatigiissutigineqarpoq, soorlutaaq erninermit atasumik angajoqqaat sapaatip-akunnerini sisamani sulingiffeqarsinnaatitaanerit tallineqartoq, erninermit atasumik sulingiffeqarsinnaanermit inatsit nutaaq naapertorlugu.

Piffissami matumani KNR illuni attartukkani marlunni illussimavoq. Nutaatut KNR-ip Issortarfimmut 1a-mi naqqup-ilua attartornissaanut isumaqatigiissuteqarpoq, attartornerlu 2021-mi ukiup nutaap aallartinneranit atuutilissaaq. Tamassuma nassataanik inissami tattoqiffioreersumi inissaqarnerulaalerneq pissarsiarineqarpoq.

TV-mik aallakaatissiornermik immikkoortortamut ukioq sakkortuumik aallartippoq - aallakaatissiornermik aamma toqqorsivimmi sulisut minillugit - oquk pissutigalugu radiop illuutaanut nuuttariaqarneq pissutigalugu. Eqqaaneqassaaq aamma, illumi oqoqarnera pissutigalugu KNR-ip TV-mik aallakaatissiornermik immikkoortortani maanna pingajussaannik matusariaqarsimammagu. Illumik piginnittoq nutaaq illup isuanik iluarsaassimalerpoq uagullu neriuutigaarput tamatumuuna imeq isugutallu pitarsinnaajunnaarlugit iluarsaassisoqartoq.

KNR illunik marlunnik attartornermut ukiumut 3,7 mio.kr.-inik akiliuteqartarpoq.

### **Aningaasaqarnermut immikkoortortaq**

Aningaasaqarnermut immikkoortortaq pingasunik sulisoqarsimavoq, taakkunannga sulisoq ataaseq radiokkut tv-kkullu ussassaarutit naatsorsuusernermik/tuniniaanermit suliaqarpoq.

Ulloq decemberip 31-at 2020, sulisut katillugit 95-iupput, taakkunannga ilinniartut 5, tusagassiortunngornianut 3 aamma FTP-mik ilinniartunut 2 agguataarsimasut. Ulloq decemberip 31-at 2019 assersuutigissagaanni, sulisut katillutik 88-iupput, taakkunannga tusagassiortutut ilinniartut 2 aamma FTP-mik ilinniartut 3.

Ukiumut akissarsianut aningaasartuutit 46,7 mio.kr.-iupput. Akissarsianut aningaasartuutit 2020-mi isertitat 65 %-iat.

Ingerlatsinermit angusat siulersuisunit naammagisimaarneqarput.

### **Aningaasaqarnermi pissutsit**

Ukiumi ingerlatsinermit angusat **732.806 kr.-inik** amigartooruteqarput aamma amigartoorutissatut missingersuutigineqarsimasut **1.446.388 kr.-iupput**, pitsaasumik nikingassut **713.582 kr.-**iuilluni. Nikingassummut tassunga suliniutit naammassineqanngitsoortut pingaarnertut pissutaapput. Ukiup naanerani suliniutit naammassineqanngitsoortut tassaapput nittartakkamik nutaamik suliniut, siulersuisut aamma aqutsisut pilersarusiussallutik katersuunnissaat, kiisalu Next-imik suliniummi aaqqiissutissat kingulliit.

Taakkua saniatigut tulluuttuni nikingassutit piupput:

### **Nikingassutit pitsaasut malunnaatillit:**

- Akissaatersuutit aamma aallakaatitassiornermi aningaasartuutit missingersuutigineqartunit katillutik **1.515 t.kr.-inik** appasinnerusupput. Covid-19 pissutigalugu nunatsinni pissartanngorniunnerit tamavimmik aamma aaqqissuussinissat allat taamaatinneqarput, taamaattumillu taakkununga aningaasartuutaasussat atunngitsoorneqarput.
- Isumaqatigiissutinut aamma pisussaaffinnut aningaasartuutit missingersuutigineqartunit **814 t.kr.-inik** appasinnerupput. 2019 aamma 2020-mi missingersuutigineqartunit atukkat appasinnerupput. KODA aamma GRAMEX-imut missingersuutini kisitsisit qaffasippallaamik inissinneqarsimapput.

#### **Nikingassutit pitsaanngitsut malunnaatillit:**

- Isertitat allat missingersuutigineqartunit **536 t.kr.-inik** appasinnerupput. SMS-init isertitat 1.1 mio.kr.-inik appasinnerupput aallakaatitassiat sms-inut naleqqussarsimanngitsut pissutigalugit, paarlattanik isertitat allat soorlu tv-kkut ussassaarutit aamma pilluaqqusinernit isertitat qaffasinnerusimasut.
- Akissarsianut aningaasartuutit missingersuutigineqartunit **681 t.kr.-inik** qaffasinnerupput. Tassunga pissutaavoq TP-p isumaqatigiissutaanut nutaamut akissarsianik aaqqissutit kiisalu 2020-mi sulinngiffeqarnersiutinut aningaasartuutissat amerlanerit.

#### **2021-mi suliniuteqarfigisassatut siunnerfiit**

(Takuuk KNR-ip siunnerfeqarluni pilersaarutaa "TORAAGAQ 2018-2022)

Sammasap **Suliffeqarfik aamma Piginnaasat** ataani, Sulisoqarnermut immikkoortortamit ukiumut suliniutit nalinginnaasut saniatigut, sulisut naammagisimaarinninnerannik misissuinerit, aqutsisunik sulisunillu ineriartortitsinerit pilersaarutaasutut nangingneqarput. Taamaattoq piginnaasanik ineriartortitsinerit ilaat piffissaligaanngitsumik kinguartinneqarput covid-19 pissutigalugu nunatsinni nunanullu allanut angalanerit killilersugaanerannit. APV innersuussutigalugu timikkut tarnikkullu suliffimmi atugassarititaasunik pitsanngorsaanerit, aamma sulisut naammagisimaarinninnerannik misissuinermit immikkoortortanilu iliussissatut pilersaarutininik assigiinngitsunik malitseqartitsinerit suli ingerlapput. Ukiuni qaangiuttuni pingasuni KNR sulisut naammagisimaarinninnerannik misissuinerit ingerlatsisarpoq, aamma ukiut kingullit pingasut ingerlaneranni naammagisimaarinnineq suliffimillu nuannarisarpoq suliffeqarfimmik naammagisimaarinnertut uuttuutaasoq, ukiumi siullermi 71 %-iusoq 2020-mi 78 %-imut qaffariarpoq. Kalaallit Nunaanni suliffeqarfinnut allanut naleqqiullugu agguaqatigiissitsinermit KNR 1 %-pointinik Danmarkimilu agguaqatigiissitsinermit 3 %-pointimut qaffasinnerusumik inissisimavoq.

Next-editionimik suliniut Radiomi/TV-milu 2020-p naanerani atulersinneqarpoq aamma ingerlatsineri atugaalerpoq taamaattoq aaqqissuussaq februaarip 17-ianni 2021 nutarsarneqassaaq, taamaalluni suliniut pillugu allaaserisaq naapertorlugu piginnaasassat tamakkiisut pigineqalerput. Suliniut tamarmi ukiup affaanik kinguaattoorpoq covid-19 pissutigalugu nunatsinni nunanilu allani killilersuinerit tunngavigalugit.

Sammasap **Soqutigisallit aamma atuisut paasisimasaqarnissaat** ataani ukiumoortumik suliniutit, soorlu Isiginnaartartunik Tusarnaartartunillu misissuineq taassumallu saniatigut Atuisut Siunnersuisoqatigiivisa ataatsimiinnerat pingasut pilersaarusiorneqassapput aamma Kultureqarnermut, Ilinniartitaanermit Ilageeqarnermullu Naalakkersuisoqarfimmik tassungalu naalakkersuisumik ataatsimeeqateqarnerit ingerlanneqartassapput. Naalakkersuisumik aamma isumaqatigiissutigineqarpoq Innuttaasunut Kiffartuussinermit takorluukkanik saqqummiussinissaq januaarip naanerani 2021 siunnerfiit pillugit isumasioqatigiissitsinermit atasumik. Taamaattoq taaneqassaaq Atuisut Siunnersioqatigiivi 2020-mi inatsisitigut piumasaqaataasoq tunngavigalugu naapillutik ataatsimiissinnaasimangimmata, Covid-19 pillugu killilersuinerit tunngavigalugit. Ukiakkut ataatsimiinnermut atasumik Inatsisartut kultureqarnermut ataatsimiititaliaannik ataatsimeeqateqarneq ingerlanneqarsinnaasimangilaq.

Sammasap **Teknikki aamma Illu Tusagassiivik** ataani Radiomi teknologimik nutaamik atulersitsinermit suliniut nangingneqarpoq taanna 2020-p naanerani naammassineqartoq. Tamatuma kinguneranik KNR-imi tamarmi sulianik ingerlatsiffik aamma teknologi ataaseq atorlugu suliamik ingerlatsisoqalerpoq, tusagassiornermi aamma aallakaatitsineri annertuumik pitsanngorsaataalluni soorluttaaq immikkoortortat assigiinngitsut akornanni ilisimasanik avitseqateqarnermi. Aqutsisut aamma siulersuisut suli sulissutigaaq illumik tusagassiivimmik nutaamik piviusunngortitsinissaq, taamaattoq ukiuni aggersuni siunertaq aningaasanut inatsisikkut illuatitsiffiqeqanngilaq.

Sammissap **Ilisarnaatit aamma aningaasaqarnikkut sinaakkutissat** ataani 2021-p ingerlanerani aningaasaqarnermik ingerlatsinermi erseqqissuuneq misissorneqassaaq, taamaaliorluni piginnittumit innuttaasuniillu ajornannginnerusumik paasineqarsinnaalissaaq KNR-ip Naalakkersuisut KNR-imut aningaasaliissutaanik qanoq atueriaaseqarnerisut. KNR båndinik toqqorsimavimmik digitaliseriinermik suliniummik aallartitsinikuvoq tassunga ilanngullugu suliniummut aningaasassarsiorsinnaanermik. Ulloq decemberip 22-at 2020, Naalakkersuisunit akuersissutigineqarpoq KNR-imi radiomi aamma tv-mi aallakaatitaasimasunik båndinik pisoqqanik digitaliseriinissaamut atugassat 1.160.000 kr.-it aningaasaliissutigineqassasut. KNR Nunatta Allagaateqarfianik, Nunatta Katersugaasivianik, Grønlandicamik suleqatigiinnermik aallartitsivoq nuna tamakkerlugu kulturikkut toqqorsivimmik digitaliusumik pilersitsisoqarnissaanik siunertaqarluni, taassuma ataani aningaasaateqarfinnit 2021-p aallartinnerani qinnuteqarnissaaq.

Erseqqippoq aningaasaliissutit qaffanneqanngippata ukiuni aggersuni KNR-ip aningaasaqarnera sakkortuumik tatineqarsimassasooq. Ukiut ingerlaneranni akissarsiat nalinginnaasumik qaffariaataat kiisalu teknikkikkut ineriartornerup kinguneranik takuneqartalerpoq, aningaasaliissutinit aningaasat amerliartuinnartut ingerlatsinermut atorneqartarnerat, aamma taamaattumik Innuttaasunik Kiffartuussiviup ineriartoqqinnissaa killilerneqartoq.

Innuttaasunik Kiffartuussinissamik isumaqatigiissummi angusassatut piumasaqaatit, nalunaaqquttap akunnerinut aallakaatitanik tunniussinissamut tunngassuteqartut illuatungaani nalinginnaasumik ingerlatsinermut, ineqarnermut, pisinnaatitsissutinut aamma isumaqatigiissutitigit pisussaaffinnut aningaasartuutit qaffakkiartuinnartut nassataannik ukiuni tullerni ingerlatsiviup siunnerfilimmik pilersaarutitit anguniagai ilanngartariaqarput.

Suliamik ingerlatsiffiit digitaliusut nutaat tusagassiinerup silarsuaani atugaalersimapput aamma taamaattumik atuisunit kissaatigineqarluni KNR taamannak ingerlatsisunut akuussasooq. Taakkua tassaasinnaapput nittartakkatigit (WEB) nutaarsiassat, radiokkut aamma tv-kkut aallakaatitsinerit qangaanniilli ileqquusut saniatigit allatut aallakaatitsinerit. Tamakkua tamarmik sulisoqarnikkut nukissanik piffissami matumani piginningsatsinnik piumasaqaatitaqarput, inatsisit naapertorlugit radiokkut tv-kkullu aallakaatitassianik tamaginnik sulit tunniussisussaatitaanitta saniatigit. Soorunami innuttaasut radiokkut tv-kkullu aallakaatitanik amerlanerusunik piumasaqaataat qaffakkiartorput nunarsuarmi allani takusartakkatik tunngavigalugit. Pisariaqarluinnarpoq ineriartorneq taanna pillugu politikikkut aalajangiisoqarnissaa aamma sulianik ingerlatsivitsinnut tunniussinissaaq, tassunga ilanngullugu nalilerlugu aamma innuttaasut akornanni ukioqatigiiaanut assigiinngitsunik sunik tunniussisoqassanersooq.

Siulersuisut sulit isumaqarput KNR tusagassiinermik pisoqalisumut pituttorsimasooq, taannalu KNR-ip ineriartornissaanut ajoqusiisooq. Naggataatigit pingaarnertullu siulersuisunit kissaatigineqarpoq Naalakkersuisut KNR-ip atuuffiata isumaanik pingaarnersitsisariaqartut, KNR tassaammat nunatsinni kulturikkut suliffeqarfiit anginerpaartaatut atuuttoq kiisalu demokraatiskimik ingerlatsinermut pisariaqartuunera pissutigalugu, ilanngullugu sanaartukkatigit atugassarititaasunik eqqortunitunineqartariaqartoq Innuttaasunik Kiffartuussinermik ingerlatsinermi atorneqartussanik.

# 2020-imi angusat naatsorsorneqarnerat

Nass.		2020	Miss. 2020	2019
		Kr.	Kr.	Kr.
1	Tapiissutitut aningaasaliissutaasut	68.043.000	68.043.000	67.824.000
2	Isertitat allat	4.798.374	5.334.667	5.970.191
	<b>Isertitat katillugit</b>	<b>72.841.374</b>	<b>73.377.667</b>	<b>73.794.191</b>
3	Akissarsiat aamma sulisoqarnermi aningaasartuutit	-53.198.255	-53.441.155	-52.229.765
4	Sulisoqarnermi aningaasartuutit allat	-2.072.277	-2.108.000	-1.910.633
	Isumaqaatigiissutit aamma pisussaaffiit	-2.962.401	-3.776.910	-3.418.736
	Biilit aamma Taxarnej	-390.091	-298.000	-916.207
	Avammut aningaasartuutit allat	-1.035.294	-1.137.300	-1.925.863
5	Aallakaatitassiornermi aningaasartuutit	-1.847.524	-2.414.667	-3.699.214
6	Atortut aamma IT	-6.050.807	-5.915.123	-6.973.505
7	Illuutinin ingerlatsineq	-5.869.990	-5.730.900	-6.240.188
	<b>Aningaasartuutit katillugit</b>	<b>-73.426.639</b>	<b>-74.822.055</b>	<b>-77.314.111</b>
	Aningaasaqarnikkut inissitsitikkat siorna angusat	-585.265	-1.444.388	-3.519.920
8	Aningaasaqarnikkut aningaasartuutit	-147.541	-2.000	-11.317
	<b>Ukiumi angusat</b>	<b>-732.806</b>	<b>-1.446.388</b>	<b>-3.531.237</b>
	<b>Angusatut saqqummiussassatut siunnersuut</b>	<b>-732.806</b>	<b>-1.446.388</b>	<b>-3.531.237</b>
	Sinneqartoorutininut imaluunniit amigartoorutininut nuussanut nuunneqartut			
	<b>Angusatut saqqummiunneqartut</b>	<b>-732.806</b>	<b>-1.446.388</b>	<b>-3.531.237</b>

# Ulloq 31.12.2020 Oqimaaqatigiissitsineq

Nass.	Pigisat	2020	2019
		Kr.	Kr.
<b>9</b>	Tunisanit kiffartuussinerniillu pissat	334.332	463.949
	Pissat allat	744.418	718.842
	<b>Pissat katillugit</b>	<b>1.078.750</b>	<b>1.182.791</b>
	<b>Uninngasuutit tigoriaannaat</b>	<b>6.243.412</b>	<b>5.170.511</b>
	<b>Kaaviiartitatut pigisat katillugit</b>	<b>7.322.162</b>	<b>6.353.302</b>
	<b>Akiitsut</b>		
<b>10</b>	<b>Nammineq aningaasaatit</b>	<b>2.000.987</b>	<b>2.733.793</b>
	Nioqqutissanik kiffartuussinerniillu pissat	1.429.210	786.442
<b>11</b>	Akiitsut allat	3.851.465	2.658.909
<b>12</b>	Piffissakkuutaamik inissitsikkat	40.500	174.158
	<b>Piffissami sivikitsumi akiitsut akilersugassat</b>	<b>5.321.175</b>	<b>3.619.509</b>
	<b>Akiitsut katillugit</b>	<b>7.322.162</b>	<b>6.353.302</b>

# Nassuiaatit/ilanngussat

Nass.		2019	Miss 2020	2019
1	Tapiissutit aningaasaliissutit	68.043.000	68.043.000	67.824.000
2	<b>Isertitat allat</b>			
	Ussassaarutit	2.881.034	2.770.667	3.057.888
	Aningaasaliissut	-	80.000	50.000
	Nalunaarutit/pilluaqqussutit	1.157.143	960.000	1.138.323
	Isertitat allat	760.197	1.524.000	1.723.980
	<b>Isertitat allat katillugit</b>	<b>4.798.374</b>	<b>5.334.667</b>	<b>5.970.191</b>
3	<b>Akissarsiat</b>			
	Siulersuisunut akissaatersuutit	323.956	30.000	420.152
	Akissarsiat aamma akissaatit	46.393.982	45.712.654	44.107.671
	Akissaatersuutit	6.480.317	7.428.500	7.701.942
	<b>Akissarsiat il.il katillugit</b>	<b>53.198.255</b>	<b>53.171.154</b>	<b>52.229.765</b>
4	Sulisoqarnermut amingaasartuutit	2.072.277	2.108.000	1.910.633
5	<b>Aallakaatitassiornermi aningaasartuutit</b>			
	Angalanerit	960.258	1.180.000	1.637.002
6	<b>Atortut aamma IT</b>			
	Pissarsiat	2.192.782	2.174.000	3.566.100
	Kiffartuussinermik isumaqatigiissutit	2.026.529	1.977.123	1.437.215
	IT-mik ingerlatsineq	1.831.496	1.764.000	1.970.190
	<b>Atortut aamma IT katillugit</b>	<b>6.050.807</b>	<b>5.915.123</b>	<b>6.973.505</b>
7	<b>Illuutininik ingerlatsineq</b>			
	Aserfallatsaaliineq	276.466	160.000	880.138
	Illuutininik ingerlatsineq	5.593.524	5.570.900	5.360.050
	<b>Illuutininik ingerlatsineq katillugit</b>	<b>5.869.990</b>	<b>5.730.900</b>	<b>6.240.188</b>
8	<b>Aningaasaqarnikkut aningaasartuutit</b>	<b>147.541</b>	<b>2.000</b>	<b>11.317</b>



<b>Nass.</b>		<b>2020</b>	<b>2019</b>
		<b>Kr.</b>	<b>Kr.</b>
9	<b>Tunisanit kifpartuussinernilu pissat</b>	<b>334.332</b>	<b>463.949</b>
		<b>Aningaasaatit</b>	<b>Katillugit</b>
10	<b>Nammineq aningaasaatit</b>		
	Nammineq aningaasaatit ukiup aallartinnerani	2.733.793	2.733.793
	Ukiumi angusat	- 732.806	- 732.806
	<b>Nammineq aningaasaatit ukiup naanerani</b>	<b>2.000.987</b>	<b>2.000.987</b>
11	<b>Akiitsut allat</b>		
	Akissatsiat akiitsut, A-skat, il.il	1.759.638	1.638.754
	<b>Akissarsiat aamma akissaatit</b>	61.285	59.196
	Sulinngiffeqarnersiutit	403.828	191.934
	Akiitsut	1.626.714	769.025
	<b>Akiitsut allat katillugit</b>	<b>3.851.465</b>	<b>2.658.909</b>
12	<b>Piffissakkuutaamik inissitsinerit</b>	<b>40.500</b>	<b>174.158</b>

# Naatsorsuuserinermi periuseq atorneqartoq

Ukiumoortumik naatsorsuutit saqqummiunneqarput Namminersorlutik Oqartussani missingersuusiorneq, naatsorsuuserineq aamma naatsorsuutininik saqqummiussineq pillugu inatsisit qaqugukkulluunniit atuuttut naapertorlugit.

Isertitat aamma akiligassat ukiumoortumik naatsorsuutininut ilanngunneqassapput qaqugukkulluunniit akilerneqarsimagaluarpata.

Ukiumoortumik naatsorsuutit saqqummiunneqarput siorna naatsorsuuserinermi periuseq assigalugu.

## Sanaartukkatigut pigisat

Suliffeqarfiup sanaartukkanik aalajangersimasunik pigisaasa nalingat (illuutit il.il.) ilanngunneqanngillat taakkua Nunap Karsiata naatsorsuutaanit aningaasalersorneqarlutik aningaasartuutitut inississorneqartarnerat tunngavigalugu.

Ingerlatsinermi atortut ukioq pissarsiarineqarfianni aningaasartuutitut inissinneqartarput.

## Angusat nalunaarsorneqarnerat

### Ilanngaaseereerluni kaaviiartitat

Ilanngaaseereerluni kaaviiartitat tassaapput Namminersorlutik Oqartussanit tapiissutitut aningaasaliissutit kiisalu isertitat assigiinngitsut allat ussasaarutininik pilluaqussutininik il.il. tunisinermi pissarsiarineqartut.

### Aningaasartuutit

Aningaasartuutit naatsorsuutininut ilanngunneqartarput ukioq taanna aningaasat amerlassusiat ukiumut naatsorsuuseriffiusumut tunngassuteqartumut.

Sulisoqarnermi aningaasartuutit tassaapput akissarsiat aamma akissaatit soorluttaaq isumaginninnikkut qularnaveeqqusiussat, soraarnerussutisiat allallu suliffeqarfiup sulisuinut atuuttut.

### Aningaasaqarnermi aningaasartuutit

Aningaasaqarnermi aningaasartuutit imaraat erniatigut aningaasartuutit.

## Oqimaaqatigiissitsineq

### Pissat

Pissat, ilanngaattissat naafferaallunilu akiligassat ilanngaatigereerlugit pisiarinerani akinut naatsorsorneqartarput, taanna nalinginnaasumik aningaasaliissutigisat nalingannut assinguvoq, nalikilliliinerit ilanngaatigalugit annaasaqaataasinnaasut naaperiarneqartarput.

### Aningaasat tigorianaanaat

Aningaasat tigorianaanaat tassaapput aningaaserivinni uninngasuutigineqartut.

## Atorfilinnut aamma tjenestemandinut sulinngeeqarnerisutit aamma aningaasaqarnikkut pisussaaffiit allat

Namminersorlutik Oqartussanut inatsisit nalinginnaasut atuuttut naapertorlugit atorfilinnut sulinngiffeqarnerisutininik illuartsisoqarsimangilaq.

**Piffissakkuutaartumik inissitsikkat**

Piffissakkuutaartumik inissitsikkat pisussaaffiit ataannut naatsorsorneqartut tassaapput aningaasartuutit sulii akilerneqanngitsunut tapiissutitut ukiumut naatsorsuuseriffiusumut tulliuuttumut tunngassuteqartut.